

Broj: 01-349/22

Datum: 02.03. 2022 god.

Dr. sc. Fikret Karčić,

redovni profesor Univerziteta u Sarajevu-Pravnog fakulteta,

Dr. sc. Tomislav Borić,

redovni profesor na Karl Franzens Univerzitetu u Grazu,

Dr. sc. Enes Durmišević,

redovni profesor Univerziteta u Sarajevu-Pravnog fakulteta,

Dr. sc. Samir Aličić,

vanredni profesor Pravnog fakulteta Univerziteta u Istočnom Sarajevu,

Dr. sc. Ehlimana Memišević,

docentica na Univerzitetu u Sarajevu-Pravnom fakultetu

- NASTAVNO-NAUČNOM VIJEĆU PRAVNOG FAKULTETA UNIVERZITETA U SARAJEVU

Predmet: Izvještaj Komisija za izbor jednog nastavnika/ice u zvanju docenta/ice na naučnoj oblasti Komparativno pravo

Podaci o konkursu i imenovanju Komisije

Na osnovu člana 103. Zakona o visokom obrazovanju Kantona Sarajevo („Službene novine Kantona Sarajevo“, broj: 33/17, 35/20, 40/20 i 39/21), člana 201. Statuta Univerziteta u Sarajevu, br. 01-1093- 3-1/18 od 28. 11. 2018. godine i saglasnosti Senata Univerziteta u Sarajevu, broj: 01-23-43/21 od 22. 12. 2021. godine, Univerzitet u Sarajevu-Pravni fakultet raspisao je Konkurs za izbor u akademsko zvanje nastavnik/ica u zvanje docenta/ice na naučnoj oblasti Komparativno pravo. Konkurs je objavljen u dnevnom listu „Oslobođenje“ 06. 01. 2022. i web stranicama Pravnog fakulteta i Univerziteta u Sarajevu.

Nastavno-naučno vijeće Pravnog fakulteta Univerziteta u Sarajevu je na svojoj XI sjednici 09. 02. 2022. godine donijelo odluku o imenovanju Komisije za pripremanje prijedloga za izbor jednog nastavnika/ice u zvanju docenta/ice na naučnoj oblasti Komparativno pravo u sastavu:

1) prof. dr. Fikret Karčić, redovni profesor Univerziteta u Sarajevu – Pravnog fakulteta, predsjednik

2) prof. dr. Tomislav Borić, redovni profesor na Karl Franzens Univerzitetu u Grazu, član

3) prof. dr. Enes Durmišević, redovni profesor Univerziteta u Sarajevu – Pravnog fakulteta, član

4) prof. dr. Samir Aličić, vanredni profesor Pravnog fakulteta Univerziteta u Istočnom Sarajevu, član

5) doc. dr. Ehlimana Memišević, docentica na Univerzitetu u Sarajevu – Pravnom fakultetu, član

Na osnovu Odluke o imenovanju Komisije za pripremanje prijedloga za izbor jednog nastavnika/ice u zvanju docenta/ice na naučnoj oblasti Komparativno pravo (u daljem tekstu Komisija), br. 01-176-1/22, od 09. 02. 2022. zadatak Komisije je da pisani Izvještaj s prijedlogom dostavi Nastavno-naučnom vijeću, u skladu sa tekstom raspisanog konkursa u roku od 45 dana od isteka roka za podnošenje prijava na konkurs.

Sekretar Univerziteta u Sarajevu-Pravnog fakulteta je u skladu sa članom 107. st. 2 Zakona o visokom obrazovanju Kantona Sarajevo ("Službene novine Kantona Sarajevo" broj: 33/17, 35/20, 40/20, 39/21) i člana 204. Statuta Univerziteta u Sarajevu broj: 01-1093-3-1/18 od 28. 11. 2018. godine članovima Komisije je dostavio Obavijest o prijavama kandidata na konkurs za izbor jednog nastavnika/ice u izbor docenta/ice na naučnoj oblasti Komparativno pravo, br. 01-176-2/22 od 10. 02. 2022. Godine u kojoj je naznačeno da su se na konkurs objavljen u dnevnom listu "Oslobođenje" dana 06. 01. 2022. i na web stranicama Fakulteta i Univerziteta u Sarajevu blagovremeno prijavilo dvoje kandidata: dr. Amila Svraka-Imamović i dr. Kenad Osmanović.

Nakon što je razmotrila prijave kandidata Komisija, u skladu sa odredbama za izbor u akademska zvanja utvrđenim u članovima 96. stav 1, tačka d) Zakona o visokom obrazovanju Kantona Sarajevo i članom 205 Statuta Univerziteta u Sarajevu, podnosi sljedeći

I Z V J E Š T A J

Prijava kandidata

Na konkurs za izbor prijavila su se dva kandidata.

Kandidatkinja dr. Amila Svraka-Imamović je uz prijavu dostavila sljedeću dokumentaciju: a) biografiju (CV); b) spisak objavljenih naučnih/stručnih radova i kopije radova iz naučne oblasti komparativno pravo, te podatke o doktorskoj disertaciji i završnom radu; c) uvjerenje o završenom trećem ciklusu studija i uvjerenje o prijepisu ocjena; d) ovjerenu kopiju diplome o završenom drugom ciklusu i ovjerenu kopiju dodatka diploma o završenom drugom ciklusu; e) ovjerenu kopiju diplome o završenom prvom ciklusu i ovjerenu kopiju dodatka diploma o završenom prvom ciklusu; f) potvrdu od 12. 01. 2022. da je zaposlena na Univerzitetu u Sarajevu – Pravnom fakultetu od 16. 7. 2021. godine u zvanju asistenta na naučnoj oblasti komparativno pravo; g) potvrdu o članku *Osvrt na izučavanje komparativnog prava na Pravnom fakultetu Univerziteta u Sarajevu* prihvaćenom za objavljivanje u jubilarnom broju Godišnjaka Pravnog fakulteta u Sarajevu (koautorstvo); h) kopiju sertifikata o učešću na Jean Monnet modulu *Language and EU law Excellence* i) izvod iz matične knjige rođenih; i j) uvjerenje o državljanstvu.

Kandidat dr. Kenad Osmanović je uz prijavu dostavio sljedeću dokumentaciju: a) biografiju (CV); b) uvjerenje o završenom trećem ciklusu studija i uvjerenje o prijepisu ocjena; c) ovjerenu kopiju diplome o završenom drugom ciklusu i ovjerenu kopiju dodatka diplome o završenom drugom ciklusu; d) ovjerenu kopiju diplome o završenom prvom ciklusu i ovjerenu kopiju dodatka diploma o završenom prvom ciklusu; e) ovjerenu kopiju posebnog priznanja Univerziteta u Sarajevu "Srebrna značka" od 08. 11. 2014., br. 48/14; f) ovjerenu kopiju posebnog priznanja Univerziteta u Sarajevu "Srebrna značka" od 05. 11. 2016., br. 30/16; g) ovjerenu kopiju uvjerenja o položenom pravosudnom ispitu; h) sertifikat Goethe Instituta u Bosni i Hercegovini o poznavanju njemačkog jezika na nivou B1; i) uvjerenje o poznavanju engleskog jezika na nivou C1; j) uvjerenje o poznavanju word-a i excel-a k) izvod iz matične knjige rođenih; i l) uvjerenje o državljanstvu; m) Rješenje Službe za boračka pitanja br. 09-41-2896/06 od 09. 11. 2006. o priznavanju statusa organizatora otpora Osmanović Kemal uocu kandidata Osmanović Kenada; n) izvode iz baza podataka o objavljenim radovima: "Bitna povreda ugovora s aspekta UPCA prema Konvenciji o međunarodnoj prodaji robe", *Pravna misao*, br. 1-2, 2017, str. 63-95; "Nachfrist mehanizam s aspekta kupca prema Konvenciji o međunarodnoj prodaji robe", *Pravna misao*, vol. 48, br. 7/8, 2017, str. 23-38; "Ograničenja prava kupca na raskid ugovora prema Konvenciji o međunarodnoj prodaji robe", *Pravna misao*, vol. 49, br. 3/4, 2018, str. 55-66; "Pravo kupca na raskid ugovora zbog djelimičnog neizvršenja prema Konvenciji o međunarodnoj prodaji robe", *Pravna misao*, br. 1/2, 2019, str. 76-85; "Pravo na raskid ugovora prije dospeljeća prema Konvenciji Ujedinjenih nacija o

ugovorima o međunarodnoj prodaji robe", *Godišnjak Akademije pravnih znanosti Hrvatske*, vol. X br. 1, 2019, str. 301-320; "Pravo kupca na raskid ugovora sa uzastopnim isporukama prema Konvenciji o međunarodnoj prodaji robe", *Pravna misao*, br. 3/4, 2021, str. 7-21; "Neutralni karakter Konvenciji o međunarodnoj prodaji robe", *Pravna misao*, br. 9/10, 2021, str. 7-38;

Prijave kandidata su potpune i blagovremene te je Komisija, u skladu sa zakonskim i statutarnim odredbama, vrednovala ispunjenost uslova za izbor u zvanje docenta na naučnoj oblasti Komparativno pravo. Minimalni uvjeti za izbor docenta utvrđeni čl. 96 st. 1, tačka d) ZVO i čl. 194 st. 1 tačka d) Statuta Univerziteta u Sarajevu su:

- 1) naučni stepen doktora u datoj oblasti
- 2) najmanje tri naučna rada iz oblasti za koju se bira, objavljena u priznatim publikacijama koje se nalaze u relevantnim naučnim bazama podataka i
- 3) pokazane nastavničke sposobnosti

Prijave kandidata

Kandidatkinja dr. Amila Svraka-Imamović

Osnovni biografski podaci

Amila Svraka-Imamović je Pravni fakultet Univerziteta u Sarajevu upisala 2011. Godine. Nakon završetka prvog ciklusa studija 2015. godine, upisala je drugi ciklus studija na Historijsko-pravnom smjeru na Katedri za pravnu historiju i komparativno pravo na Pravnom fakultetu Univerziteta u Sarajevu. U novembru 2016. godine odbranila je završni rad pod naslovom „Historijsko-pravna analiza rata u Bosni i Hercegovini 1992-1995: slučaj Općine Hadžići“, sa ocjenom 10.

Treći ciklus studija upisala je 2017. godine. U maju 2021. godine odbranila je doktorsku disertaciju pod naslovom „Status pojedinca u civilnom, angloameričkom i srednjoevropskom pravu: komparativna studija“.

Prvo radno iskustvo stekla je u Općini Novi Grad Sarajevo u Odsjeku za urbanizam, u periodu od marta 2017. do marta 2018. godine. Nakon toga je radila u Pravobranilaštvu općine u kojem

do jula 2018. godine. Radni odnos na Pravnom fakultetu Univerziteta u Sarajevu, u zvanju asistentice za oblast komparativno pravo, zasnovala je 2018. godine. Na Pravnom fakultetu angažovana je na predmetima *Komparativna pravna historija* i *Moderne pravne kodifikacije*.

Radovi kandidata

Doktorska disertacija

Status pojedinca u civilnom, anglo-američkom i srednjeistočnom pravu: komparativna studija (Pravni fakultet, 2021), str. 387.

Članci i studije

Rad „Hamidović protiv Bosne i Hercegovine“ objavljen je u *Godišnjaku Pravnog fakulteta u Sarajevu*. Ovaj časopis se indeksira u međunarodnim referentnim bazama *CSA Sociological Abstracts (Proquest)*, *CSA Worldwide Political Science Abstracts (Proquest)*, *Political Science Complete (EBSCOhost)*, a puni tekst je uključen u *Central and East European Academic Source (EBSCOhost)*. Rad je prošao provjeru dvostruke anonimne recenzije i kategoriziran je kao izvorni naučni rad. Članak predstavlja analizu slučaja pred Evropskim sudom za ljudska prava, a u vezi sa zaštitom člana 9. Evropske konvencije o ljudskim pravima. Nakon što je Sud Bosne i Hercegovine, koji je pozvao Husmeta Hamidovića, 10. septembra 2012., kao svjedoka na suđenju Mevlidu Jašareviću i drugima optuženim za krivično djelo terorizma, kaznio Hamidovića zbog odbijanja da skine kapu, jer to nije u skladu s njegovim vjerskim uvjerenjima, slučaj je rješavao Evropski sud za ljudska prava, koji je utvrdio povredu člana 9. Evropske konvencije. Autorica je u ovom naučnom radu detaljno analizirala slučaj i postupak pred sudovima u Bosni i Hercegovini, kao i pred Evropskim sudom za ljudska prava, otvarajući nekoliko pitanja koja je odnose na nepoštivanje suda, uživanje člana 9. EKLJP u javnom prostoru i naročito u pravosudnim ustanovama u Bosni i Hercegovini.

Rad „Krivična djela u jevrejskom, islamskom i engleskom pravu“ objavljen je u časopisu *Pravna misao : časopis za pravnu teoriju i praksu*. Ovaj časopis se indeksira u međunarodnoj referentnoj bazi *Legal Source (EBSCOhost)* i uvršten je u *Ulrichweb Global Serials Directory*. Rad je prošao provjeru dvostruke anonimne recenzije i kategoriziran je kao pregledni naučni rad. U ovom članku autorica navodi definiciju krivičnih djela u religijskim sistemima i to islamskom i jevrejskom, te savremenom engleskom zakonodavstvu. Također, izvršena je

kategorizacija krivičnih djela te njihova komparativna analiza. Autorica zaključuje da jevrejsko i islamsko pravo akcenat stavljaju na vjerske zabrane i kršenja religijskih propisa, dok je u engleskom pravu krivično djelo skrivljeno nepravo, odnosno postupanje protivno važećem pozitivnom pravnom propisu. Specifičnosti islamskog i jevrejskog krivičnog prava, u odnosu na englesko ogleda se i u tome da postoje krivična djela protiv Boga poput apostazije i vrijeđanja vjerskih svetinja, te u postojanju kriminalizacije istospolnih i vanbračnih seksualnih veza. Razlike su jasne i kada je u pitanju način sankcioniranja počinitelja krivičnih djela.

Rad „Koncept braka u islamskom, jevrejskom, engleskom i velškom pravu“, objavljen je u časopisu *Godišnjak Pravnog fakulteta u Sarajevu* 2018. godine. Rad je prošao provjeru dvostruke anonimne recenzije i kategoriziran je kao pregledni naučni rad. Autorica je najprije dala osvrt na koncept braka u klasičnoj islamskoj pravnoj misli, potom je analizirala savremena zakonodavstva u muslimanskim zemljama poput Egipta, Indije, Pakistana, Malezije, Maroka. Potom je uslijedila analiza koncepta braka u jevrejskoj pravnoj kulturi, te u Engleskoj i Velsu. Autorica je izvršila i komparativnu analizu i zaključila da postoje jasne sličnosti u poimanju braka, njegovom sklapanju, pravima i obavezama bračnih partnera, te razvrgnuća u islamskom i jevrejskom pravu, dok englesko i velško zakonodavstvo sadrži distiktivne odlike.

Rad „Šerijatsko nasljedno pravo: opći pregled“, objavljen je u zborniku Instituta za uporedno pravo u Beogradu 2020. godine. U ovom radu autorica najprije govori o nasljednom pravu predislamskih Arapa, kako bi se mogla uvidjeti promjene koje su izvršene islamskim pravom. Autorica je detaljno objasnila šerijatsko zakonsko i testamentarno nasljeđivanje, nasljedne redove, osnove isključenja iz nasljedstva te imovinu koja ulazi u ostavinu. Pažnja je posvećena i nasljednom pravu ženskih srodnika, te su otvorena pitanja mogućnosti promjene imajući u vidu društveno-ekonomske promjene 21. Stoljeća

Bibliografija radova o Islamskoj zajednici u Bosni i Hercegovini: austrougarski period, koju je kandidatkinja priredila sa grupom autora, kao izdanje Instituta za islamsku tradiciju Bošnjaka, a u saradnji sa Gazi Husrev-begovom bibliotekom, objavljena je 2021. godine. Sastoji se od 267 stranica, a uključuje sljedeće listove i godišnjake: Bajraktar: muhamedanski kalendar za godinu 1312.; Behar: list za pouku i zabavu; Biser: list za širenje prosvjete među muslimanima u Bosni i Hercegovini; Bošnjak: list za politiku, pouku i zabavu; Bošnjak: kalendar; Gajret; Gajret: kalendar; Izvještaj o upravi Bosne i Hercegovine (1906-1909); Mearif: muhamedanski kalendar; Misbah: organ udruženja bosansko-hercegovačke ilmiije; Jenji Misbah; Musavat; Novi Musavat; Muslimanska sloga: glasilo bosansko-hercegovačkih

muslimana; Napredak: hrvatski narodni kalendar; Novi Vakati; Vakati; Ogledalo: organ naprednih muslimana u Bosni i Hercegovini; Pregled: list za nauku i socijalni život; Samouprava: organ muslimanske demokratije; Tarik; Zeman: organ ujedinjene muslimanske organizacije. Svaki od naznačenih godišnjaka, listova, glasila ili novina kratko su predstavljani nakon čega su navedena godišta i godine izlaska časopisa hronološkim redom. Navedena godišta prate bibliografske jedinice koje su unutar određenog godišta svrstane abecednim redoslijedom. Treba napomenuti da su svi naslovi knjiga, članaka, novinskih naputaka kao i puni nazivi časopisa navedeni bez lektorske intervencije. Sve jedinice su praćene ključnim riječima koje daju uvid u sadržaj članka. Predmetni indeks i indeks autora članaka priloženi su na kraju Bibliografije.

Prikaz knjige

Rad „Fikret Karčić - pionir islamske tradicije Bošnjaka“ objavljen je u *Godišnjaku Pravnog fakulteta u Sarajevu*. Riječ je o prikazu knjige *Islamska pravna kultura u tranziciji: Eseji u čast Fikreta Karčića*. Knjigu je objavio Centar za napredne studije, a njeni urednici su Ahmet Alibašić, Mustafa Hasani, Senad Čeman i Nedim Begović. U ovoj knjizi sabrani su povodom obilježavanja četrdeset godina aktivnog naučnoistraživačkog i nastavničkog djelovanja.

Projekti

U okviru projekta Pravnog fakulteta Univerziteta u Sarajevu „Pandemija i pravo“ autorica je objavila rad „Komparativni prikaz propisa o zabrani prekrivanja lica i nošenju maski“ autorica analizira mjere o obaveznom nošenju maski kao vida sprječavanja širenja virusa koje su mnoge evropske države usvojile, sa postojećim zakonima o zabrani pokrivanja lica u javnom prostoru.

Nastavnički rad

Dr Amila Svraka-Imamović je zaposlena na Univerzitetu u Sarajevu – Pravnom fakultetu od 16. 7. 2021. godine u zvanju asistenta na naučnoj oblasti komparativno pravo. Učestvovala je u izvođenju vježbi na predmetima *Komparativna pravna historija*, *Moderne pravne kodifikacije* i pripadajućim izbornim predmetima na Katedri za historiju prava i komparativno pravo uz predmetnog nastavnika. Osim toga, uz predmetne nastavnike prisustvovala je i učestvovala pripremi nastave na II ciklusa studija na Komparativnopravnom smjeru na predmetima: *Svjetske pravne kulture* i *Religijske pravne kulture*.

Istraživački boravci i dodatno obrazovanje

Univerzitet u Leidenu, Pravni fakultet, Nizozemska, septembar 2019.

Jean Monnet Module *Language and EU Law Excellence*, Pravni fakultet u Osijeku uz podršku Erasmus programa Evropske Unije, 2020-21.

Učešće u međunarodnim i domaćim naučnim i stručnim skupovima

Saradnik na projektu "Pravna sudbina sarajevskih vakufa", Pravni fakultet Univerziteta u Sarajevu 2019.

„Bibliografija radova o šerijatskim sudovima u Bosni i Hercegovini“, Institut za islamsku tradiciju Bošnjaka, 2019.

“Osnivanje Katedre za pravnu historiju i komparativno pravo“, Institut za historiju Univerziteta u Sarajevu, 2019.

“Genocid nad Bošnjacima kao oblik borbe protiv “islamskog radikalizma”, Univerzitet u Sarajevu, Univerzitet u Tuzli, Institut za istraživanje zločina protiv čovječnosti i međunarodnog prava UNSA i Institut za historiju UNSA, 2020.

“Uvod u šerijatsko pravo“, Institut za uporedno pravo u Beogradu, 2020.

Kandidat dr. Kenad Osmanović

Osnovni biografski podaci kanidata

Kenad Osmanović je upisao Pravni fakultet Univerziteta u Sarajevu 2010. godine i okončao 2014. godine. Dobio je posebno priznanje Univerziteta u Sarajevu “Srebrna značka” za ostvareni prosjek ocjena 9, 45 tokom prvog ciklusa studija. Gdine 2015. Godine završio je drugi ciklus studija na Pravnom fakultetu Univerziteta u Sarajevu, i, također, dobio priznanje “Srebrna značka” za ostvareni prosiek ocjena 9, 50 tokom drugog ciklusa studija. Radio je kao demonstrator na Katedri za pravnu historiju i komparativno pravo, Katedri za građansko pravo, te kao koordinator za Distance Learning na Katedri pravno-ekonomskih nauka. Doktorski studij upisao je 2017., a okončao 2021. godine. Tema doktorske disertacije kandidata

je: "Konvencija UN o međunarodnoj prodaji robe kao model za harmonizaciju međunarodnog trgovačkog ugovornog prava".

Kandidat je radio u Općinskom sudu u Sarajevu od decembra 2014. do decembra 2015. godine. Zatim, u Advokatskoj kancelariji Femil Čurt od decembra 2015. do novembra 2016. godine, a potom u Ustavnom sudu BiH do novembra 2018. godine. Od oktobra 2020. kandidat je uposlen u Uredu Vlade Federacije Bosne i Hercegovine za saradnju i zastupanje pred Ustavnim sudom Bosne i Hercegovine.

Radovi kandidata

U prijavi na Konkurs, kandidat je dostavio izvode iz baza podataka o objavljenim radovima na kojima se nalaze apstrakti radova.

Komisija je cijnila radove na osnovu dostavljenih apstrakata.

Rad "Bitna povreda ugovora s aspekta UPCA prema Konvenciji o međunarodnoj prodaji robe", *Pravna misao*, br. 1-2, 2017, str. 63-95 analizira koncept "bitne povrede ugovora" iz pozicije kupca na osnovu analize Konvencije, mišljenja pravnih teoretičara, sudske prakse pojedinih zemalja, i najčešćih primjera iz prakse bitnih povreda ugovora prodavca.

Rad "Nachfrist mehanizam s aspekta kupca prema Konvenciji o međunarodnoj prodaji robe", *Pravna misao*, vol. 48, br. 7/8, 2017, str. 23-38; autor analizira koncept "Nachfrist" na osnovu propisa Konvencije, mišljenja pravnih teoretičara, sudske prakse pojedinih zemalja, i najčešćih primjera primjene ovog mehanizma u praksi.

Rad "Ograničenja prava kupca na raskid ugovora prema Konvenciji o međunarodnoj prodaji robe", *Pravna misao*, vol. 49, br. 3/4, 2018, str. 55-66; ukazuje na rješenja Konvencije o međunarodnoj prodaji robe koja se odnose na ograničenja prava kupca na raskid ugovora, predstavljajući prava prodavca na osnovu kojih može otkloniti nedostatke nesaobrazne robe, ili nesaobraznih dokumenata kod preuranjene isporuke, odnosno predaje. Isto tako u radu je predstavljeno pravo prodavca na otklanjanje nedostataka nakon što je istekao rok za isporuku, te nakon (implicitnog) "sporazuma" između ugovornih strana.

"Pravo kupca na raskid ugovora zbog djelimičnog neizvršenja prema Konvenciji o međunarodnoj prodaji robe", *Pravna misao*, br. 1/2, 2019, str. 76-85; analizira rješenja

Konvencije o međunarodnoj prodaji robe, koja se odnose na pravo kupca na raskid ugovora zbog djelimičnog neizvršenja od strane prodavca, te stavove pravnih teoretičara i sudske prakse u vezi sa kriterijima za razlikovanje djeljive od nedjeljive robe.

Rad "Pravo na raskid ugovora prije dospeljeća prema Konvenciji Ujedinjenih nacija o ugovorima o međunarodnoj prodaji robe", *Godišnjak Akademije pravnih znanosti Hrvatske*, vol. X br. 1, 2019, str. 301-320; predstavlja analizu rješenja Konvencija koja se odnose na pravo kupca na raskid ugovora prije dospeljeća ugovorne obaveze, odnosno način, postupak i uslovi koji pri tome moraju biti ispoštovani.

Rad "Pravo kupca na raskid ugovora sa uzastopnim isporukama prema Konvenciji o međunarodnoj prodaji robe", *Pravna misao*, br. 3/4, 2021, str. 7-21 predstavlja analizu rješenja Konvencije o međunarodnoj prodaji robe, koja se odnose na pravo kupca da raskine ugovor sa uzastopnim isporukama.

Rad "Neutralni karakter Konvenciji o međunarodnoj prodaji robe", *Pravna misao*, br. 9/10, 2021, str. 7-38; analizira neutralni karakter Konvencije o međunarodnoj prodaji robe kroz prizmu zaključivanja ugovora, tumačenja ugovora i izjava stranaka, te sistema pravnih sredstava.

Doktorska disertacija

Tema doktorske disertacije kandidata "Konvencija UN o međunarodnoj prodaji robe kao model za harmonizaciju međunarodnog trgovačkog ugovornog prava"

Nastavnički rad

Na osnovu dostavljene biografije kandidata Komisija je ustanovila da kandidat nema iskustvo nastavničkog rada.

Istraživački boravci i dodatno obrazovanje

Europa-Institut, Saarland Univerzitet, Njemačka, oktobar 2019.

Trial Advocacy Program, februar-juli 2014.

Ljetna škola njemačkog prava, 2014.

Comparative Constitutional Law and EU Law Programme, 2014.

Vis International Commercial Law and Arbitration Moot Trainig, 2014.

Edukacije Centra za edukaciju sudija i tužilaca FBiH: "Etički standardi nosilaca pravosudnih funkcija"; "Izrada presude u krivičnim stvarima"; "Izrada presude u građanskim stvarima", (2015), "Pravo na obrazloženu presudu iz člana 6 EKLJP", "Pravo na slobodu izražavanja: član 10 EKLJP" (2017), "Zaštita temeljnih prava BiH i EU" (2018)

Odnos između prava na pravično suđenje, prava na poštovanje privatnog života i slobode izražavanja, The Aire Center, British Embassy Sarajevo, 2017.

Ljetna škola iz međunarodnog ekonomskog prava, Europa-Institut, Saarland Univerzitet, Njemačka, juli 2017.

Ljetna škola "Current Challenges in Human Rights Protection", Europa-Institut, Saarland Univerzitet, Njemačka, juli 2017.

Regionalni trening za pravne klinike, Europa-Institut, Saarland Univerzitet, Njemačka, septembar 2018.

Edukacije "Lideri za pravdu – generacija 2021", Fondacije Konrad Adenauer i Udruženja Pravnika

Učešće u međunarodnim i domaćim naučnim i stručnim skupovima

Na osnovu dostavljene biografije kandidata Komisija je ustanovila da kandidat nije dostavio podatke o učešću u međunarodnim domaćim naučnim i stručnim skupovima.

Zaključna ocjena i prijedlog Komisije

Na konkurs za izbor nastavnika/ice u zvanju docenta/ice za naučnu oblast Komparativno pravo na Univerzitetu u Sarajevu-Pravnom fakultetu objavljen u dnevnom listu „Oslobodenje“ 06. 01. 2022. godine, prijavila su se dva kandidata: dr. Amila Svraka-Imamović i dr. Kenad Osmanović.

U odnosu na uslove za izbor docenta utvrđenih u čl. 96 st. 1, tačka d) ZVO i čl. 194 st. 1 tačka d) Statuta Univerziteta u Sarajevu, koji podrazumijevaju: 1) naučni stepen doktora u datoj oblasti; 2) najmanje tri naučna rada u oblasti za koju se bira objavljena u priznatim publikacijama koje se nalaze u relevantnim naučnim bazama podataka; i 3) pokazane nastavničke sposobnosti Komisija je ustanovila da:

Kandidatkinja dr. Amila Svraka-Imamović ispunjava sve uslove sve navedene uslove. Doktorska disertacija kandidatkinje „Status pojedinca u civilnom, anglo-američkom i srednjeistočnom pravu: komparativna studija“ odbranjena na Univerzitetu u Sarajevu-Pravnom fakultetu 2021. pripada naučnoj oblasti Komparativno pravo. Zatim, kandidatkinja ima tri naučna rada objavljena u priznatim publikacijama koje se nalaze u relevantnim naučnim bazama podataka, poglavlje u zborniku, priređenu bibliografiju radova, rad u okviru projekta i prikaz knjige, koji, također, pripadaju naučnoj oblasti Komparativno pravo.

Radeći na Univerzitetu u Sarajevu – Pravnom fakultetu od 16. 7. 2021. godine u zvanju asistenta na naučnoj oblasti komparativno pravo, kandidatkinja je pokazala nastavničke sposobnosti, čime ispunjava i treći uslov. Učestvovala je u izvođenju vježbi na predmetima *Komparativna pravna historija*, *Moderne pravne kodifikacije* i pripadajućim izbornim predmetima na Katedri za historiju prava i komparativno pravo. Osim toga uz predmetne nastavnike prisustvovala je i učestvovala na nastavi II ciklusa studija na Komparativnopravnom smjeru na predmetima: *Svjetske pravne kulture* i *Religijske pravne kulture*.

U pogledu prijave kandidata Kenada Osmanovića Komisija je ustanovila da doktorska disertacija „Konvencija UN o međunarodnoj prodaji robe kao model za harmonizaciju međunarodnog trgovačkog ugovornog prava“ odbranjena na Univerzitetu u Sarajevu-Pravnom fakultetu, 2021. godine ne pripada naučnoj oblasti Komparativno pravo. U pogledu drugog uslova, Komisija je ustanovila da kandidat ima dovoljan broj naučnih radova, ali da radovi ne pripadaju naučnoj oblasti Komparativno pravo. U pogledu trećeg uslova, Komisija je konstatovala i da kandidat nema iskustvo rada na visokoobrazovnim ustanovama čime nije ispunjen ni treći uslov – pokazane nastavničke sposobnosti.

Na osnovu prethodno izloženih činjenica Komisija procjenjuje da dr. Amila Svraka-Imamović posjeduje ispunjava sve tražene uslove za izbor u akademsko zvanje docenta za predmete na naučnoj oblasti Komparativno pravo.

Stoga, Komisija Nastavno-naučnom vijeću Pravnog fakulteta Univerziteta u Sarajevu, odnosno Senatu Univerziteta u Sarajevu

p r e d l a ž e

da se za naučnu oblast Komparativno pravo, u naučnonastavno zvanje docenta, izabere dr Amila Svraka-Imamović.

Sarajevo, 02. 03. 2021.

Komisija

Dr. Fikret Karčić, redovi professor



Dr. Tomislav Borić, redovni professor

Dr. Enes Durmišević, redovni profesor



Dr Samir Aličić, vanredni professor



Dr. Ehlimana Memišević, docent